



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Recitandi officium.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

P R A X I S

Orandi horas vel officium B.M.V.

§. I.

Præstanda ante officium.

I. **P**ropheta Regius septies in die laudem Domino dixit, psal. 118. Ecclesia quoque septena orandi tempora instituit & S. Clemens, secundus post S. Petrum Pontifex ordinavit Lib. 8. Const. Apost. c. 34. Preces vestras facite diluculo, tertia hora, sexta, nona, vespere, & in galili cantu; idque ob varia, quæ indicat, beneficia, & passionis Dominicæ mysteria.

II. Modus orandi insinuatur ab eodem Propheta regio, psal. 46. ubi quinques reperit *psallite*, innuens, psallendum distinctè, attentè, intelligenter, ferventer, & reverenter.

III. Non satis est oratiunculam aliquam vocalem præmittere, maximè si fiat cursim, hæc enim non est sat efficax ad mentem colligendam; sed juvat aliquam brevem considerationem præmittere, quæ & mentem recolligat, & devotionem accendat: qualis est, si viva fide Deum te audiens

dientem & aspicientem, oculis mentis intuearis, simulq; infinitam ejus magnitudinem paulisper expendas. Vel si tuam vilitatem & peccatorum multitudinem consideres; vel S. Angelum Custodem invites, ut te ad devotionem excitet, Dæmones arceat, preces Deo offerat.

IV. Recita ferventer orationem ex Breviario, *Aperi Domine os meum.* Deinde præfige varias intentiones. P. Petrus Faber unus è decem primis S.P.N. sociis de nos omnino fines horarum recitationi præponebat. Hujus & aliorum exemplo præxin aliquam confice, quâ iconibus vel schedulis inscriptâ, & ante horas singulas in Breviario aut officio B.V. collocata, utare. Si alia non suppetat, utere sequente.

INTENTIO

Ad matutinum generalis.

Offero tibi, ô sacrosancta Trinitas! hoc servitutis meę obsequium ex puro amore amicitię ac benevolentię in te Deum verum & vivum, in unione meritum & intentionis D.N. Jesu Christi, B.V. & omnium Sanctorum i. Ad gustum &

ad matutinum generalis. 81

& gloriam tuæ divinæ majestatis. 2. In gratiarum actionem pro omnibus beneficiis. 3. In satisfactionem pro omnibus peccatis. 4. Adimpletionem perfectissimam Divinæ tuæ voluntatis.

Hęc intentio Generalis ante singulas horas repeti potest, vel tota, vel contracta in unum suspirium, dicendo, ad quatuor fines prædictos.

Intentio specialis ad matutinum.

Ad honorem Domini nostri Jesu Christi, in horto sanguinem sudantis, ejusque sanctissimæ Matris, pro exaltatione S. Matris Ecclesiæ, omniumq; membrorum ejus perfectione.

Ad Laudes.

Ad honorem Christi Domini, pro nobis ligati & accusati, Sanctorumq; Angelorum. Pro Romano Pontifice & toto ordine Ecclesiastico & religioso, ut dignè suo statu vivendo ac piè orando, assiduè Deum laudent, & ego præcipuè juxta obligationem statûs mei.

Ad Primam.

Ad honorem Christi ad columnam ligati & flagellati, itemq; SS. Patriarcharum
&

& Prophetarum, ac Sanctorum veteris Testamenti. Pro conversione peccatorum, ut cessent Jesum peccatis suis flagellare, & in primis ego.

Ad Tertiam.

Ad honorem Christi spinis coronati, & SS. Apostolorum: pro Imperatore, Regibus ac Principibus Christianis, ut in iustitia & clementia populum regant, & subditi patienter obediant.

Ad Sextam.

Ad honorem Christi crucifixi & SS. Martyrum, pro omnibus mihi singulariter commendatis, ut in latere Christi mecum salutis asylum inveniant; unâq; pro omnibus graviter tentatis & afflictis, ut patientes sint, & vincant; ii præsertim, qui quoquo modo ad me pertinent.

Ad Nonam.

Ad honorem Christi expirantis & SS. Confessorum, pro felici morte mihi & commendatis impetranda; itémque pro omnibus hodie agonizantibus.

Ad Vesperas.

Ad honorem Christi lancêa transfixi, & Venerabilis Sacramenti, vespere Instituti,

Præstanda sub ipso officio. 83

nec non SS. Virginum & Viduarum, pro
augenda fide & cultu hujus Sacramenti &
hæreticorum conversione.

Ad Completorium.

Ad honorem Sepulture Christi. Item
que S. Angeli Custodis & SS. Patronorum,
eorumq; Sanctorum, qui sine speciali cul-
tu in terris occulti manserunt. Pro libe-
randis animabus è purgatorio; iis præfer-
tim, qui magis pertinuerunt ad me.

§. II.

Præstanda sub ipso officio.

I. **P**ietatem & attentionem, reveren-
tiamque valde promovet, memoria
seu fides divine præsentia, antè elicitæ, &
suaviter continuata, vel subinde renovata.
Attentio vel actualis vel saltem virtualis
conservanda, distractionesque & earum
causæ removendæ. S. Ludgerus Proto-Epi-
scopus Monasteriensis, in itinere noctu,
non procul à foco cum Clericis matuti-
num cum decantaret, & prunæ fumum in
faciem ejus exhalarent, tanquam nihil sen-
tiens mente & corpore immotus stetit;
Clericum verò, focum componere conan-

tem,

tem, ac prono corpore insufflantem, maneracriter reprehendit, & dierum aliquot pœnitentiam injungens, Clericos docuit, in laudibus divinis distractiones cavere & attenta mente persistere. Surius in c. 27. Deinde adsit oranti spes & fiducia firma, nixa Christi promissis & meritis. Comitetur quoque singularis reverentia, quàm mirè excelluit P. Ludovicus de Ponte, ut refertur in vita c. 8. Dum horas coram Venerabili Sacramento, flexis genibus pro more recitaret.

II. Pietatem promovet intelligentia psalmodum, ut sensus reconditos intelligamus; quem in finem legendi psalmodum Interpretes, Bellarmius, Le Blanc, & alii. P. Leonardus Lessius singulorum psalmodum sensus literales, anagogicos, tropologicos & allegogicos probè callebat, hinc tanta ejus devotio, facilitas & oblectatio. Mirabaturque divinum officium à nonnullis desultoriè percurri, in vita c. 10.

III. S. Augustinus conc. 3. in psal. 30. pro augenda pietate, suadet, ut Davidem in psalmodis præeuntem in affectus, sequamur,

mur, ut scilicet cum timente timeamus, cum laudante laudemus, amemus cū amante, cum petente petamus. Præcipuè verò conandū, ut ad voces crebrius recurrentes, v.g. *Deus, Dominus, alleluja*. Convenientes affectus eliciamus, nempe adorationis, gratitudinis, reverentiæ, submissionis, amoris, laudis, ad voces verò, *nos, homines* vel *miserias humanas* indicantes, affectus, humilitatis, contritionis compassionis excitemus.

§. III.

Præstanda post officium.

I. **C**OMMISSOS defectus breviter examina, contritionem elice, atq; eosdem mox expia recitatione psalmi, *Laudate Dominum omnes Gentes*, vel orationis è Breviario; Sacrosanctæ & individuæ Trinitati. Quam devotè recitanti Leo X. defectus & culpas in officio persolvendo ex humana fragilitate contractas indulgit.

II. Offer SS. Trinitati peractum officium cum meritis Christi, B.V. & Sanctorum; uti quoque licebit precatiunculâ, quam

quam, ut refert Blosius in Monili Spir. c. 3.
Christus S. Gertrudem docuit.

Bone JESU, propitius esto mihi peccatori. Ego tepidum, distractum & imperfectum servitium meum commendo mellifluo cordi tuo, emendandum & perficiendum: tibi que ipsum offero ad salutem omnium, in unione illius attentissimæ orationis, quâ tu Patrem orâsti & laudâsti in terris. Responde quæso, satisfac & supple pro me plenissimè.
Amen.



.c.31
mi-
stra-
tium
cor-
cien-
d sa-
is at-
trem
pon-
ro



Non Causo sculp.

Nulla quies in his Or. 12. M.

flevit amare. Matth. 26.

DE